

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 37. stav (1) i 45. stav (1) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 4. sjednici, održanoj dana 07.05.2019. godine, d o n o s i

ZAKLJUČAK

o usvajanju Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2019. godini, u razdjelu 23, budžetska organizacija 01, potrošačka jedinica 0001, pozicija "Subvencije-veterinarstvo", „namjenska sredstva“

I.

Usvaja se Program utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2017. godini, u razdjelu 23, budžetska organizacija 01, potrošačka jedinica 0001, ekonomski kod 614400 NAD 405 "Subvencije-veterinarstvo", „namjenska sredstva“ u iznosu od 250.000,00 KM (slovima: dvijestotinepedesethiljada konvertibilnih maraka), Budžeta Zeničko-dobojskog kantona za 2019. godinu ("Službene novine Zeničko-dobojskog kantona", broj: 3/19) i čini sastavni dio ovog zaključka.

II.

Sredstva planirana Budžetom Kantona za namjene predviđene ovim zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/19

Datum, 07.05.2019. godine

Z e n i c a

PREMIJER

Mirza Ganić

DOSTAVLJENO:

1x Ministarstvu za poljoprivredu šumarstvo i vodoprivredu,

1x Ministarstvu finansija,

1x a/a.

PROGRAM
utroška sredstava od prikupljenih veterinarskih naknada za mjere zdravstvene zaštite
životinja i veterinarskog javnog zdravstva na području Zeničko-dobojskog kantona u
2019. godini

Podaci o Programu

Program je usvojen: na 4. sjednici Vlade Zeničko-dobojskog kantona održanoj dana 07.05.2019. godine.

Period realizacije Programa: Realizacija Program utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2019. godini (u daljem tekstu: Program)

Ukupna vrijednost Programa: 250.000,00 KM

Namjena Programa: Zdravstvena zaštita životinja i unapređenje veterinarskog javnog zdravstva.

Korisnici Programa: Registrovani subjekti u poslovanju sa hranom (u daljem tekstu: SPH), vlasnici životinja - fizička i pravna lica, općine/Grad Zeničko-dobojskog kantona, dijagnostičke ustanove, veterinarske stanice, pravna lica ovlaštena za uklanjanje leševa životinja i životinjskog otpada (u daljem tekstu: Korisnici)

Izvor sredstava: Namjenska sredstva u Budžetu Zeničko-dobojskog kantona u 2019. godini, Ministarstvo za poljoprivredu, šumarstvo i vodoprivredu, "Subvencije-veterinarstvo"-namjenska sredstva, razdjel 23, budžetska organizacija 01, potrošačka jedinica 0001, ekonomski kod 614400, NAD 405, na osnovu Zakona o izvršavanju Budžeta Zeničko-dobojskog kantona za 2019. godinu ("Službene novine Zeničko- dobojskog kantona", broj: 3/19).

Odgovorna osoba: Ministar Mirnes Bašić,

I ZAKONSKI OSNOV ZA DONOŠENJE PROGRAMA

Zakonski osnov za donošenje Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2019. godini sadržan je u odredbama člana 124. Zakona o veterinarstvu ("Službene novine Federacije BiH" , broj: 46/00), Zakona o hrani („Službeni glasnik BiH“, broj: 50/04), člana 24. Pravilnika o visini naknade i načinu raspodjele sredstava za obavljene veterinarsko zdravstvene preglede i kontrolu na teritoriji Federacije Bosne i Hercegovine („Službene novine Federacije BiH“, broj: 51/11, 55/12 i 5/16), a u vezi sa članom 37. stav (1) i članom 45. stav (1) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), kojim je utvrđeno da će se navedena sredstava koristiti u skladu sa Programom utroška kojeg donosi Vlada Kantona.

Ministarstvo za poljoprivredu, šumarstvo i vodoprivredu (u daljem tekstu: Ministarstvo) je izradilo prijedlog Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2019. godini (u daljem tekstu: Program).

II IZVORI I VISINA SREDSTAVA IZ KOJIH SE FINANSIRA PROGRAM

Budžetom Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), „Subvencije-veterinarstvo“, u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „namjenska sredstva“, predviđena su sredstva u iznosu od 250.000,00 KM (slovima: dvijestotinepedesethiljada konvertibilnih maraka). Sredstva su prikupljena od naknada za veterinarsko-zdravstvene preglede i kontrole izvršene od strane kantonalne veterinarske inspekcije. U skladu Pravilnikom o visini naknade i načinu raspodjele sredstava za obavljene veterinarsko-zdravstvene preglede i kontrolu na teritoriji Federacije Bosne i Hercegovine i Zaključkom Vlade Zeničko-dobojskog kantona broj: 02-24-15565/16 od 08.09.2016. godine sredstva će biti utrošena za provođenje mjera zdravstvene zaštite životinja i veterinarskog javnog zdravstva na području Kantona.

III AKTIVNOSTI IZ PROGRAMA

Na osnovu epizootiološke situacije na području Zeničko-dobojskog kantona (u daljem tekstu: Kanton), kontinuiteta u provođenju preventivnih mjera zdravstvene zaštite životinja, usklađenosti subjekata u poslovanju sa hranom (u daljem tekstu SPH) sa legislativom EU, stanja u pogledu higijenske i zdravstvene ispravnosti namirnica životinjskog porijekla (u daljem tekstu NŽP) koje se proizvode na području Kantona, te u skladu sa Programom mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 5/19) Ureda za veterinarstvo Bosne i Hercegovine, za provođenje mjera zdravstvene zaštite životinja i unapređenje veterinarskog javnog zdravstva na području Kantona u 2019. godini, ovim Programom planira se provođenje slijedećih aktivnosti:

1. Sufinansiranje serološkog ispitivanja ovaca i goveda na zaraznu bolest Plavi jezik,
2. Sufinansiranje implementacije Programa samokontrole kod SPH,
3. Sufinansiranje implementacije HACCP sistema kod SPH koji su registrovani kao obrti,
4. Finansiranje troškova eutanazije i neškodljivog uklanjanja oboljelih životinja,
5. Klinički pregled pčelinjaka na Američku gnjiloću,

6. Dijagnostička pretraga pčelinjeg legla na Američku gnjiloću,
7. Dijagnostička ispitivanja životinja i službenih uzoraka po nalogu veterinarskog inspektora,
8. Preventivna vakcinacija domaćih životinja,
9. Finansiranje dijagnostičkih ispitivanja u svrhu utvrđivanje uzroka pobačaja životinja,
10. Rezerva;

IV KRITERIJI ZA ODOBRAVANJE SREDSTAVA

Sredstva po ovom Programu moći će ostvariti Korisnici koji ispune opće i posebne kriterije, kako slijedi:

A. Opći kriteriji

- Korisnici moraju imati prebivalište, odnosno sjedište na području Kantona,
- Korisnici koji posluju sa NŽP moraju posjedovati veterinarski kontrolni broj,
- Korisnici koji nemaju dugovanja prema Kantonu po osnovu javnih prihoda i svih ostalih obaveza prema Kantonu, u skladu sa Zaključkom Vlade Zeničko-dobojskog kantona, broj: 02-14-8705/17 od 01.06.2017. godine,
- Korisnici koji nisu ostvarili poticaj po istom osnovu kod drugog kantonalnog organa,
- Životinje koje budu obuhvaćene ovim Programom moraju biti upisane u jedinstveni registar domaćih životinja u skladu sa Pravilnikom o označavanju životinja i šemi kontrole kretanja životinja u BiH („Službeni glasnik BiH“ broj: 28/03) i Pravilnikom o obaveznom označavanju i upisu jedinstveni registar ovaca, koza i svinja, te vođenje evidencija („Službene novine FBiH“, broj: 87/07).
- Veterinarske organizacije na dodijeljenim područjima djelovanja za mjere koje se provode preko njih;

B. Posebni kriteriji po planiranim aktivnostima iz Programa

- 1. Sufinansiranje uzorkovanja i serološkog ispitivanja ovaca i goveda na Plavi jezik ovaca** – u slučaju sumnje ili pojave zarazne bolesti Plavi jezik kod goveda i ovaca, sufinansirati će se provođenje uzimanja i slanja na pretragu uzoraka krvi ili tkiva životinja koje pokazuju kliničke znakove bolesti ili životinja sumnjivih na oboljenje iznosom od 20,00 KM/životinji. Ukupan iznos sredstava je 20.000,00 KM.
- 2. Sufinansiranje implementacije Programa samokontrole kod SPH u 2019. godini** – svim SPH koji posjeduju Veterinarski kontrolni broj, sufinansira se implementacija programa samokontrola u iznosu do 1.000,00 KM. Planirani iznos sredstava je 30.000,00 KM.
- 3. Sufinansiranje implementacije HACCP sistema kod SPH koji su registrovani kao obrti** – svim registrovanim SPH - obrtnicima koji posjeduju Veterinarski kontrolni broj sufinansira se implementacija u iznosu do 2.500,00 KM. Planirani iznos sredstava je 90.000,00 KM.
- 4. Finasiranje troškova eutanazije i neškodljivog uklanjanja oboljelih životinja** – u slučaju kada veterinarski inspektor naredi eutanaziju i neškodljivo uklanjanje životinja u cilju sprječavanja, suzbijanja i iskorjenjivanja zaraznih bolesti životinja koje obavljaju Veterinarske stanice na području Zeničko-dobojskog kantona, finansirati će se vlasnicima životinja nastali troškovi eutanazije u iznosu od 100,00 KM/krava/konj, 20,00

KM/ovca/koza/svinja i 10,00 KM/košnica/pčelinja zajednica. Planirani iznos sredstava je 10.000,00 KM.

- 5. Klinički pregled pčelinjaka na Američku gnjiloću** - za ispitivanje prisustva zarazne bolesti pčela (Američka gnjiloća pčelinjeg legla), zbog nastanka velikih materijalnih šteta u pčelinjacima, planira se provesti klinički pregled svih pčelinjaka kod pčelara sa područja Kantona, kako je propisano Programom mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 5/19). Planirani iznos sredstava je 10.000,00 KM.
- 6. Dijagnostička pretraga pčelinjeg legla Američku gnjiloću** – sufinasira se dijagnostička pretraga uzoraka na Američku gnjiloću pčelinjeg legla u iznosu od 20,00/KM po uzorku. Planirani iznos sredstava je 10.000,00 KM.
- 7. Dijagnostička ispitivanja životinja i službenih uzoraka po nalogu veterinarskog inspektora** - u postupku provođenja službenih kontrola kod sumnje na zarazne bolesti životinja, kod masovnih uginuća i ispitivanja zdravstvene ispravnosti uzoraka hrane, po nalogu veterinarskog inspektora Kantonalne uprave za inspekcijske poslove Zeničko-dobojskog kantona provodiće se potrebna dijagnostička ispitivanja u akreditovanim laboratorijama. Planirani iznos sredstava je 30.000,00 KM.
- 8. Preventivna vakcinacija domaćih životinja** - radi sprečavanja pojave i iskorjenjivanja određenih zaraznih bolesti životinja od značaja za Kanton, kao što je Crni prišt koji predstavlja opasnost za ljude, te druge bolesti koje mogu nanijeti veće materijalne štete, planira se finansiranje vakcinacije životinja koje su izložene tim bolestima.
 - a. Cijepljenje goveda protiv Crnog prišta (Antraks) - Za preventivno cijepljenja goveda u distriktnim područjima Crnog prišta u Kantonu, u skladu sa Programom mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 5/19), planira se utrošiti 10.000 KM.
 - b. Cijepljenje svinja protiv Kuge svinja – Za preventivno cijepljenje svinja protiv Kuge svinja, u skladu sa Programom mjera zdravstvene zaštite životinja i njihovog provođenja u 2019. godini planira se utrošiti 10.000 KM.
- 9. Finansiranje dijagnostičkih ispitivanja u svrhu utvrđivanje uzroka pobačaja životinja** – kod svakog pobačaja goveda, ovaca, koza, svinja i kobila finansiraju se troškovi laboratorijske pretrage krvi, supstrata i plodova životinja koje su pobacile. Planirani iznos sredstava je 10.000,00 KM.
- 10. Rezerva** - sredstva rezerve koristitiće se za hitne i nepredviđene zahtjeve. Zahtjevi koji budu podneseni, a nisu definisani Programom, Ministarstvo će razmotriti i eventualno predložiti Vladi donošenje zaključka o odobravanju sredstava, u slučajevima: pojave iznenadne i nepredviđene zarazne bolesti-zoonoze, kada su potrebna dodatna sredstva jer postoji osnov za to ili kod nedostatka sredstava za neku od aktivnosti iz Programa. Planiran i iznos sredstva je 20.000,00 KM.

V SVRHA PROGRAMA

- 1. Sufinansiranje uzorkovanja i serološkog ispitivanja ovaca i goveda na Plavi jezik**

Provodi se u svrhu otkrivanja, sprečavanja suzbijanja bolesti Plavi jezik. Bolest ne ugrožava zdravlje ljudi, ali izaziva velike ekonomske štete i proizvodi negativan uticaj na stočarstvo. Pravni osnov je Zakon o veterinarstvu („Službene novine F BiH“, broj: 46/00), Pravilnik o mjerama za kontrolu i iskorjenjivanje bolesti Plavog jezika („Službeni glasnik BiH“, broj: 38/10) i Program mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 5/19).

2. Sufinansiranje implementacije programa samokontrole u 2019. godini

Ima za cilj uspostavljanje i provođenje planova samokontrole kod subjekata u poslovanju sa hranom životinjskog porijekla i ostvarivanje visokog stepena higijenske i zdravstvene ispravnosti NŽP. Planovi samokontrola omogućavaju:

- procjenu opasnosti i rizike, identifikaciju i njihovo otklanjanje prije nastanka zdravstveno neispravnog proizvoda,
- povećavaju svijest o zdravstvenoj sigurnosti proizvoda i sprečavanju bolesti uzrokovane zdravstveno neispravnim proizvodima,
- svi uposleni uključeni su u sistem proizvodnje zdravstveno ispravnog proizvoda,
- dokumentovanje proizvodnog procesa i provedenih kontrola,
- povećava povjerenje u zdravstvenu ispravnost i kvalitet proizvoda,
- definiše individualnu odgovornost,
- osigurava se zdravstvena ispravnost proizvoda u svim fazama, počevši od proizvodnje, transporta, distribucije, pripreme i konzumiranja proizvoda,
- poslovanje prema važećoj BiH i EU legislativi,
- uspostavljanje propisanih kriterija sigurnosti hrane,
- poslovanje u EU i trećim zemljama;

Navedena aktivnost provodi se u skladu sa Zakonom o hrani („Službeni glasnik BiH“, broj: 50/04), Pravilnikom o veterinarsko–zdravstvenim uslovima za objekte koji proizvode hranu životinjskog porijekla („Službene novine FBiH“, broj: 22/13), Pravilnikom o higijeni hrane („Službeni glasnik BiH“ broj: 4/13), Pravilnikom o mikrobiološkim kriterijima za hranu („Službeni glasnik BiH“, broj: 11/13 i 79/16), Pravilnikom o organizaciji službenih kontrola proizvoda životinjskog porijekla namijenjenih ishrani ljudi („Službeni glasnik BiH“ broj: 103/12), Pravilnikom o opštem deklarisanju ili označavanju upakovane hrane („Službeni glasnik BiH“ broj: 87/08), Pravilnik o maksimalno dozvoljenim količinama za određene kontaminante u hrani („Službeni glasnik BiH“ broj: 68/14).

3. Sufinansiranje implementacije HACCP sistema kod SPH koji su registrovani kao obrti,

Ima za cilj uspostavljanje i implementiranje HACCAP sistema u objektima registriranim kao obrt koji proizvode namirnice životinjskog porijekla, odnosno koji posjeduju veterinarski kontrolni broj. Haccap sistem obuhvata:

- Analizu opasnosti
Označava moguće opasnosti povezane s hranom i načine kojima su te opasnosti identifikovane. Opasnosti mogu biti biološke (djelovanje mikroorganizama), hemijske (toksini) ili fizikalne (komadi metala, krhotine stakla itd.)
- Određivanje kritičnih kontrolnih tačaka
U proizvodnom procesu postoje tačke od polazne sirovine, preko proizvodnog procesa pa sve do faze isporuke krajnjem kupcu pri kojima se moguća opasnost može kontrolisati, odnosno eliminisati. Primjeri takvih kontrolnih tačaka su kuhanje, hlađenje, pakovanje, detekcija metala
- Uspostavljanje zaštitnih mjera s kritičnim granicama za svaku kontrolnu tačku.
Za kuhanu hranu kao kritičnu tačku može se odrediti minimalna temperatura kuhanja i vrijeme potrebno za eliminaciju štetnih mikroorganizama, ovisno o vrsti

mikroorganizama i zahtjevima struke u tom pogledu

- Uspostavljanje postupaka praćenja kritičnih kontrolnih tačaka. Te postupke mogu činiti (prilikom kuhanja) određivanje načina i osobe koja bi trebala pratiti temperaturu kuhanja (jačanje sistema odgovornosti)
- Uspostavljanje korektivnih radnji koje se moraju poduzeti
Kad je praćenje pokazalo da kritične tačke nisu osigurane na adekvatan način. Npr., ponovna obrada ili odlaganje hrane ako nije uspostavljena zadana minimalna temperatura.
- Uspostavljanje postupaka kojima se potvrđuje da sistem ispravno funkcioniра. Postupci kojima potvrđujemo korektnost metode. Npr., vrijeme ispitivanja rada uređaja i instaliranje mjerača temperature s povratnom spregom koji zapisuje podatke koji potvrđuju da uređaj za kuhanje ispravno funkcioniра..
- Uspostavljanje učinkovitog vođenja evidencije prema dokumentima HACCP sistema. Ovaj korak uključuje uspostavu zapisa o opasnosti i metodama za njihovu kontrolu, praćenje sigurnosnih zahtjeva i poduzete radnje kako bi se ispravili mogući nastali problemi. Svaki od ovih principa mora se temeljiti na pouzdanim znanstvenim tvrdnjama, npr. na temelju objavljenih pravovremenih mikrobioloških studija ili činjenice o temperaturnim čimbenicima neophodnim za kontrolisanje patogena prenosivih hranom.

HACCAP sistem omogućava :

- dokumentovanje proizvodnog procesa i provedenih kontrola,
- povećava povjerenje u zdravstvenu ispravnost i kvalitet proizvoda,
- osigurava se zdravstvena ispravnost proizvoda u svim fazama, počevši od proizvodnje, skladištenja, transporta, distribucije, pripreme i konzumiranja proizvoda,
- poslovanje prema važećoj BiH i EU legislativi,
- uspostavljanje propisanih kriterija sigurnosti hrane,
- poslovanje u EU i trećim zemljama;

Navedene aktivnosti provode se u skladu sa Zakonom o hrani ("Službeni glasnik BiH", broj: 50/04), Pravilnikom o veterinarsko–zdravstvenim uslovima za objekte koji proizvode hranu životinjskog porijekla ("Službene novine FBiH", broj: 22/13), Pravilnikom o higijeni hrane („Službeni glasnik BiH“ broj: 4/13), Pravilnikom o mikrobiološkim kriterijima za hranu („Službeni glasnik BiH“, broj: 11/13 i 79/16), Pravilnikom o organizaciji službenih kontrola proizvoda životinjskog porijekla namijenjenih ishrani ljudi („Službeni glasnik BiH“ broj: 103/12), Pravilnikom o opštem deklarisanju ili označavanju upakovane hrane („Službeni glasnik BiH“ broj: 87/08), Pravilnik o maksimalno dozvoljenim količinama za određene kontaminante u hrani („Službeni glasnik BiH“ broj: 68/14).

4. Finansiranje troškova eutanazije i neškodljivog uklanjanja oboljelih životinja

Zootehnička i zoohigijenska mjera koja ima za cilj sprječavanje, kontrolu i suzbijanje zaraznih bolesti životinja, prvenstveno zoonoza, te zaštitu zdravlja ljudi, životinja i prirodnih resursa. Navedena mjera provodi se u skladu sa članom 46. Zakona o veterinarstvu i Pravilnikom o postupku isplate nadoknade štete za neškodljivo uklonjene seropozitivne životinje („Službene novine Federacije“, broj: 98/12).

5. Klinički pregled pčelinjaka na Američku gnjiloću,

Navedena aktivnost provodi se u cilju otkrivanja i utvrđivanja ove bolesti u pčelinjacima. Pregled provodi veterinar iz ovlaštene veterinarske stanice u skladu sa odredbama Programa mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 5/19).

6. Dijagnostička pretraga na Američku gnjiloću pčelinjeg legla

Mjera ima za cilj otkrivanje i suzbijanje zarazne bolesti Američka kuga pčelinjeg legla na području Kantona. Bolest nije opasna po zdravlje ljudi, ali proizvodi velike ekonomske štete i ima negativan uticaj na pčelarstvo. Pravni osnov za provođenje ove mjere je član 124. Zakona o veterinarstvu („Službene novine F BiH“, broj: 46/00) i Program mjera zdravstvene zaštite životinja i njihovog provođenja u 2018 godini („Službeni glasnik BiH“, broj: 15/18) Ureda za veterinarstvo Bosne i Hercegovine.

7. Dijagnostička ispitivanja životinja i službenih uzoraka po nalogu veterinarskog inspektora

U slučajevima kada kantonalni veterinarski inspektor procjeni da su potrebna dodatna službena uzorkovanja higijenske i zdravstvene ispravnosti uzoraka hrane, dijagnostičke pretrage radi utvrđivanja prisustva zarazne bolesti životinja prvenstveno kod utvrđenog oboljenja ljudi. Navedena mjera ima pravni osnov u Zakonu o veterinarstvu („Službene novine F BiH“, broj: 46/00), Zakonu o hrani („Službeni glasnik BiH“, broj: 50/04), Pravilniku o mjerama kontrole Bruceloze kod malih preživača („Službeni glasnik BiH“ broj: 43/09) i Pravilniku o higijeni hrane („Službeni glasnik BiH“ broj: 4/13).

8. Preventivna vakcinacija domaćih životinja

Radi sprečavanja pojave i iskorjenjivanja zaraznih bolesti životinja koje su od značaja za Kanton, kao što je Crni prišt koji predstavlja opasnost za zdravlje ljudi i Kuga svinja koja predstavlja opasnost za svinjogojску proizvodnju, provode se propisane mjere vakcinacije prijemčivih životinja u rizičnim područjima.

9. Finansiranje dijagnostičkih ispitivanja u svrhu utvrđivanja uzroka pobačaja životinja

Zakonska obaveza je utvrđivanje uzroka pobačaja kod domaćih životinja. U cilju ispitivanja što većeg broja slučajeva te poduzimanja racionalnih mjera za suzbijanje određenih bolesti, planira se provođenje ispitivanja uzroka pobačaja na način da vlasnici životinja putem veterinarskih stanica provedu ispitivanje u ovlaštenoj akreditovanoj dijagnostičkoj ustanovi kako bi uzrok pobačaj bio utvrđen i kako bi bile poduzete odgovarajuće preventivne mjere ako se radi o zaraznim bolestima.

10. Rezerva

Sredstva rezerve koristitiće se za hitne i nepredviđene zahtjeve koji budu podneseni, a koji nisu definisani Programom. Ministarstvo će razmotriti i eventualno predložiti Vladi donošenje zaključka o odobravanju sredstava u slučajevima pojave iznenadne i nepredviđene zarazne bolesti-zoonoze, kada su potrebna dodatna sredstva jer postoji osnov za to ili kod nedostatka sredstava za neku od aktivnosti iz Programa. Sredstva će biti korištena i za isplatu naknadno ostvarenih potraživanja iz prethodnog perioda, koja su nastala kao posljedica administrativnih poteškoća i naknadu kod iznenadnih uginuća životinja koja nisu nastupila kao posljedica nebrige vlasnika ili stručne greške veterinara. Sredstva će se odobravati u skladu sa mogućnostima nakon provedene procedure. Procjenu vrijednosti i proceduru ostvarivanja prava naknade provodiće Odsjek za veterinarstvo. Sredstva će odobravati Vlada posebnim zaključkom, na prijedlog Ministarstva.

VI VISINA I RASPODJELA SREDSTAVA PO AKTIVNOSTIMA

Budžetom Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), „Subvencije-veterinarstvo“, u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405,

pozicija „namjenska sredstva“, predviđena su sredstva u iznosu od 250.000,00 KM (slovima: dvijestotinepedesethiljada konvertibilnih maraka).

Sredstva odobrena Budžetom Kantona za 2019. godinu iznose 250.000,00 KM i raspodijelit će se u skladu sa ovim Programom na slijedeće aktivnosti, prema tabelarnom prikazu:

R/B	Aktivnost	Iznos po KM/jedinici	Iznos u KM
1.	Sufinansiranje uzorkovanja i serološkog ispitivanja ovaca i goveda na Plavi jezik	20,00 KM/životinji	20.000,00
2.	Sufinansiranje implementacije programa samokontrole u 2019. godini	do 1.000,00 KM/subjekt	30.000,00
3.	Sufinansiranje implementacije HACCP sistema kod SPH koji su registrovani kao obrti,	do 2.500,00 KM/subjekt	90.000,00
4.	Finansiranje troškova eutanazije i neškodljivog uklanjanja oboljelih životinja	100,00 KM/krava/konj 20,00 KM/ovca/koza/svinja 10,00 KM/košnica/pčelinja zajednica	10.000,00
5.	Klinički pregled pčelinjaka na Američku gnjiloću,	20,00 KM/uzorak	10.000,00
6.	Dijagnostička pretraga na Američku gnjiloću pčelinjeg legla	20,00 KM/uzorak	10.000,00
7.	Dijagnostička ispitivanja životinja i službenih uzoraka po nalogu veterinarskog inspektora	po fiskalnom računu	30.000,00
8.	Preventivna vakcinacija domaćih životinja	do 10 KM/govedo do 5 KM/svinja	20.000,00
9.	Finansiranje dijagnostičkih ispitivanja u svrhu utvrđivanje uzroka pobačaja životinja	po fiskalnom računu	10.000,00
10.	Rezerva	-	20.000,00
	UKUPNO :		250.000,00

Zbog mogućih nepredvidivih situacija u pogledu stanja i kretanja zaraznih bolesti životinja, moguća su preusmjerenja već planiranih sredstava u druge neophodne aktivnosti.

Na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, Vlada Zeničko-dobojskog kantona će za svaku planiranu aktivnost ili u slučaju utroška sredstava iz rezerve ovog Programa, posebnim zaključcima ili odlukama odobravati sredstva iz Budžeta.

Broj: 02- /19
Datum, 07.05.2019. godine
Z e n i c a

PREMIJER

Mirza Ganić